

Best People's Organization

Ang National Federation of Day Care Workers of the Philippines, Incorporated (NFDCWPI), PAMPANGA CHAPTER, ay isang organisasyon na may layuning palakasin ang kakayahan ng lahat ng mga Child Development Workers ng probinsiya sa pamamagitan ng mga programa at serbisyong kapakipakinabang hindi lamang para sa mga miyembro, kundi para rin sa kapakanan ng mga day care children at ng komunidad.

Kilala ang Pampanga Federation sa kanilang taunang **"Activity For-A-Cause"**, kung saan **pinaprayoridad na matulungan ang mga Child Development Workers at Child Development Centers** na nasa *Geographically Isolated and Disadvantaged Areas* o *GIDA areas* gaya ng **upland areas** ng Porac, Floridablanca at Mabalacat City at **coastal areas** ng Macabebe, Masantol, Minalin na matatagpuan sa ika-apat na distrito ng Pampanga, at ng Sasmuan, Guagua, Lubao na nasa ikalawang distrito naman.

Dahil sa mga makabuluhang programa ng organisasyon, **palagian silang nabibigyan ng pagkilala** sa tuwing dumadalo sa mga buwanang pagpupulong ng Regional Federation na ginaganap sa DSWD Field Office III. Minsan na ring naimbitahan ang pederasyon katuwang ang PSWDO Pampanga sa Regional Assembly of Day Care Workers noong taong 2018 upang maibahagi ang kanilang **adbokasiya** na pinamagatang **"Towards Day Care Workers' Plantilla-based Employment"**. Ang adbokasiyang ito ay naglalayong maiangat ang kalagayan at kalidad ng pamumuhay ng ating mga Child Development Workers na naturingang mga **"unsung heroes"**.

1. Significant Accomplishments within the Last Three Years

Nagsimulang maging aktibo ang Pampanga Federation ng taong 2016 sa pamumuno ni Gng. Alma N. Pangilinan (2015-2018). Sa panahong ito naisaayos ang mga polisiya na siyang naging tungtungan ng mga programa at serbisyo ng organisasyon. Ang

mga polisiyang ito ay pinagtibay ng mga resolusyon gaya ng mga resolusyong nag-aaprubang sa panuntunan ng mga sumusunod: *Damayan, Attendance on Meetings, Transportation Allowance at Activity For-A-Cause.*

Ang **Damayan** ay isang programa na lubos na nakakatulong sa mga Child Development Workers at sa kanilang mga benepisyaryo. Ito rin ay nagsisimbulo ng pakikiramay at pakikidalamhati sa tuwing namatayan ang miyembro o sa panahong ang miyembro mismo ang mamayapa. Sa ganitong sitwasyon, ipinagkakaloob ang benepisyo sa malapit na kaanak ng namayapang Child Development Worker na humigit kumulang sa halagang **P50,000** at nasa halagang humigit kumulang na **P11,000** naman kung ang namayapa ay ang benepisyaryo ng Child Development Worker.

Sa mga nailuklok na opisyaless ng organisasyon, napakahalagang magampanan nila ang mga naatas na tungkulin. Dahil dito, hinihikayat ang **100% attendance** sa bawat pagpupulong. Dito nabuo ang mga panuntunan na **Attendance on Meetings Guidelines** at **Transportation Allowance Guidelines**. Naging epektibo ang initiyatibong ito sapagkat nagkaroon ng motibasyon at disiplina ang mga opisyaless sa pagdalo sa mga pagpupulong at iba pang mga gawain. Taas noo ring maibabahagi ng Pampanga Federation ang kanilang partisipasyon sa pagbuo ng mga polisiya na nakapaloob sa **Standards for Child**

Development Service of the Province of Pampanga bilang miyembro ng **Provincial ECCD Committee**. Ang mga polisiyang ito ay ang mga sumusunod: **Policy on the Care for the Sick Children, Protocol on the Care for Malnourished Children, Procedure for the Prevention of Injury, Rules, Policies and Procedures for the Behavior Management of 3 to 4 Year Old Children, at Disaster Management Plan.**

Sa kabilang banda naman, ang **“Activity For-A-Cause”** ng organisasyon ay ginaganap sa tuwing ipinagdiriwang nila ang kanilang provincial assembly. Nasa **P63,000** ang halaga ng kanilang nalilikom na inilalaan sa napiling proyekto at mga

benepisyaryo. Sa unang taon ng programa noong **2017**, lubos na kagalakan at pasasalamat ang nadama ng mga Child Development Workers at ganun din ng mga day care children na nasa **upland areas** at **coastal areas** ng probinsiya dahil sila ang mga napiling benepisyaryo. Ilan sa kanilang mga natanggap ay mga **learning materials** gaya ng *big story books, puzzles, assorted balls, rubber mats* at mga **supplies** gaya ng *bondpaper, colored paper, logbook, pencil, ballpen, eraser, chalk at stapler*. Ang mga *upland areas* ng Pampanga ay pinamamahayan ng mga katutubo nating mga **Ayta**. Matatagpuan ang mga ito sa Floridablanca, Porac at Mabalacat City. Ang mga *coastal areas* naman ay matatagpuan sa Macabebe, Masantol, Minalin, Sasmuan, Guagua at Lubao. Sa parehong taong, nabigyan din ng biyaya ang mga piling Child Development Centers sa 19 na munisipyo at 2 siyudad sa pangalawang bugso ng *gift giving* na napagkalooban din ng mga *learning materials*. Sa taong **2018**, ganito pa rin ang naging sistema subalit sa pagkakataong ito, kailangang magpasa ng **project proposal** ang bawat munisipyo kung saan kailangang isaad ang paglalaanan ng halagang ipagkakaloob ng Pampanga Federation. Sa taong **2019** naman, binigyang prayoridad ang mga **upland areas** ng Mabalacat City na kung saan matatagpuan ang Haduan CDC at Monicayo CDC. Sa loob ng **tatlong (3) taon**, umabot na sa **P219,000** ang halagang naitulong ng organisasyon sa kanyang nasasakupan sa pamamagitan lamang ng programang ito.

Ang **Pampanga Federation** ay nagbibigay din ng **technical assistance** sa kanilang mga kasamahan na nakatakdang dumaan sa **Assessment of Child Development Centers and Child Development Workers**. Sila ay bumababa sa mga munisipyo upang makatulong sa paghahanda sa pamamagitan ng pagbibigay ng opinion at mga rekomendasyon nang sa gayo'y mas mapabuti pa ang kalidad ng mga kakailanganing dokumento sa **accreditation**. Nakagawian na rin ng Pampanga Federation na magbahagi ng mga **Good Practices on Arts & Crafts** sa tuwing sila ay may buwanang pagpupulong. Sa ganitong pamamaraan, nabibigyan ng ideya at karagdagang kaalaman ang bawat miyembro na siya namang ibabahagi nila sa

kani-kaniyang munisipyo. Aktibo din ang partisipasyon at pagtulong ng organisasyon sa tuwing may *capability building* para sa kanilang sector.

Noong taong 2019, naramdaman ng probinsiya ang lindol na may *magnitude* 6.1. Lubos na naapektuhan ang *upland areas* ng Porac at Floridablanca. Dahil dito, minabuti ng organisasyon na tumulong sa pamamagitan ng pamamahagi ng *mineral water, bath soap, dishwashing soap, noodles, instant coffee* at mga kumot. Nasa **110 na pamilya** ang natulungan sa barangay Diaz, bayan ng Porac, **75 na pamilya** sa barangay Camachile, bayan ng Floridablanca at **10 empleyado** ng gumuhong Chuzon Supermarket sa bayan pa rin ng Porac. May kabuuang **P15,640.00** ang halagang naibahagi ng Pampanga Federation.

Ang Pampanga Federation, katuwang ang PSWDO Pampanga, ay aktibong nakikilahok sa **adbokasiyang pinamagatang "Towards Day Care Workers' Plantilla based Employment"**. Ito ay naglalayong mabigyan ng plantilla positions ang ating mga Child Development Workers o madagdagan man lamang ang halaga ng tinatanggap nila mula sa barangay at munisipyo. Noong taong 2018, mapalad na naibahagi itong adbokasiyang ito sa harap ng napakaraming mga Child Development Workers ng Region III

na ginanap sa Nueva Ecija Convention Center, Palayan City. Pinalakpakan at hinangaan ang adbokasiyang ito. Bilang patunay, may mga kalapit probinsiyang sumunod sa adhikaing ito. Sa lalawigan ng Pampanga, maraming munisipyo na ang nagtaas ng halagang ibinibigay o ang tinatawag na *subsidy* sa ating mga dakilang Child Development Workers. Maliban pa dito ang mga kagamitang ipinagkakaloob sa kanya-kanyang mga centers at mga seminars na dinadaluhan upang mapaunlad pa ang kanilang mga kakayanan at kaalaman.

May inisiyatibo din ang Pampanga Federation na palawigin ang **Backyard Gardening** sa lahat ng mga Child Development Centers ng probinsiya noong taong **2019**. Ang programang ito ay may

layuning ilapit sa mga Day Care Children ang mga masusustansiyang gulay, gawing aktibo ang mga magulang sa pakikibahagi sa paghahalaman, at maging oportunidad sa mga bata ang *backyard gardening* bilang isang anyo ng pagbibigay kaalaman at pagtuklas (Science and Discovery). Sa muling pagkakataon, ang programang ito ay hinangaan sa Regional Federation Meeting.

Ang taong 2020 ay isang mapanghamon na taon dahil sa panganib na dulot ng pandemiyang COVID19. Maliban sa panandaliang naantala ang pagbubukas ng klase sa mga child development centers, nag-iba din ang pamamaraan ng pagbibigay ng mga programa at serbisyo. Ang **Early Childhood Care and Development (ECCD) Programs** ay naibabahagi sa pamamagitan ng **Alternative Mode of Learning Delivery (AMLN)**. Sa pamamaraang ito ang mga magulang o *parent-mentors* ang siyang tinuturuan ng mga Child Development Workers kung paano ituturo ang mga *weekly learning plan* at *activity guides* sa mga bata. Ang mga magulang ang siyang nagsisilbing guro ng mga bata. Ang dating *face to-face meeting* at *training* naman ay naging **virtual** alinsunod sa tinatawag na *health protocol* at para na rin sa kapakanan ng bawat isa. Dahil sa mga pangyayaring ito, nag-usap ang Pampanga Federation at ang PSWDO Pampanga kung paano makakatulong sa mga Child Development Workers, parent-mentors at sa mga batang edad tatlo (3) hanggang apat (4) na taong gulang. Dito nabuo ang konsepto ng **Provincial ECCD Commons – Pampanga**. Ito ay isang **Facebook group page** na kung saan maaaring mag-post ang mga miyembro ng mga **video materials** na maaaring makatulong sa iba pang mga Child Development Workers at parent-mentors sa kanilang pagtuturo. Ang mga **video materials** ay maaaring binubuo ng mga kanta, tula, maikling kwento, *arts and crafts*, tamang pag-uugali at mga iba't-ibang *routine activities* gaya ng pagdarasal, pag-awit ng Lupang Hinirang, pag

ehersisyo, at mga panuntunan sa kalusugan at kaligtasan. Ang 19 na munisipyo at 2 siyudad ng lalawigan ng Pampanga ay may

pakikilahok at pakikiisa sa naturang *group page* sapagkat ang lahat ay gumawa ng *video material* na kanilang ibabahagi. Bilang tugon pa rin sa ating kinahaharap na suliranin dulot ng pandemya, ang **Pampanga Federation** na kinabibilangan ng mga nasasakupang Child Development Workers ay malaki din ang naiambag at partisipasyon sa nakaraang ***validation at assessment*** ng mga benepisyaryo ng **Social Amelioration Program** o SAP ng DSWD. Bukod pa rito, katuwang din sila ng barangay at musipiyo sa pagsasagawa ng ***profiling*** at sa tuwing may ipamimigay na ayuda gaya ng **Social Pension** o **SocPen** para sa mga *senior citizens*.

Bilang **aktibong miyembro** ang Pampanga Federation ng **Provincial Council for the Protection of Children (PCPC)**, nakibahagi din ito sa naaprubahang proyekto ng *council* para sa taong 2021. Ito ay ang pamimigay ng ***learning workbook*** para sa mga Day Care Children. Upang masimulan ang nasabing materyal, ginanap ang ***“Workshop on the Drafting of the Provincial Learning Workbook for Day Care Children”*** noong nakaraang Oktubre ng taong kasalukuyan. Napili ang mga miyembro ng Pampanga Federation upang magsilbing ***contributors*** ng nasabing *learning workbook*. Sila ang naglapat ng nilalaman ng mga pahina na binubuo ng mga *weekly learning plans, activity guides* at *sample outputs*.

Sa kasalukuyan, ang Pampanga Federation ay pinamumunuan ni Gng. Dalisay Z. Gamboa (2018-2020) sampu ng iba pang masisipag at dedikadong opisyaless ng organisasyon. Ang bawat isa ay may mahalagang tungkuling ginagampanan upang maisakatuparan ang mga programa at maibigay ang serbisyo hindi lamang sa mga miyembro nito kundi para na rin sa kapakanan ng mga batang kanilang tinuturuan.